

Sinopsis Novel Cempaka Putih Untukmu (Novel tingkatan Tiga bermula Tahun 2012)

Bab 1 – Akur Akan Perintah

Papa Hartini Ayu iaitu Encik Hasrul sebagai pegawai Jabatan Pertanian telah kenaikan pangkat dan dikehendaki bertukar ke tempat baru, iaitu kawasan pedalaman di Pahang. Sekeluarga Hartini terpaksa berpindah dari Kuala Lumpur ke sebuah kampung orang asli. Sekeluarga Hartini berasa bimbang untuk berpindah ke kawasan yang terpencil. Ibu Hartini iaitu Sarah turut berasa bimbang kerana takut akan binatang dan serangga di kawasan tersebut serta kemudahan yang serba kurang. Sarah juga berasa keberatan untuk meninggalkan penduduk di kawasan perumahan itu. Abang Along dan abang Angah Hartini turut berasa khuatir kehidupan di kampung yang tidak ada bekalan elektrik dan perkhidmatan Internet. Adik Amin juga bimbang kerana tidak berpeluang untuk bermain permainan komputer. Sebaliknya Hartini lebih bersikap tenang untuk menerima kenyataan tersebut. Bagaimanapun mereka berasa bimbang tentang sekolah baharu mereka di tempat baharu.

Hasrul cuba meleraikan kebimbangan mereka dan menasihati mereka bahawa di mana sahaja mereka dapat menuntut ilmu jika memiliki keazaman.

Bab 2 - Tersalah Duga

Hartini sekeluarga telah berpindah ke Kampung Kuala Batu , Jerantut, Pahang. Masyarakat orang asli di Kampung Kuala Batu telah keluar dan menyambut kedatangan mereka dengan mesra. Keadaan di kampung itu memang di luar sangkaan mereka kerana memiliki segala kemudahan asas, seperti jalan tar, telefon, bekalan air dan elektrik.

Rumah baharu mereka ialah sebuah rumah kayu beratap genting dan memiliki empat buah bilik tidur serta kelengkapan perabot yang ringkas. Hartini berasa gembira kerana persekitaran alam yang indah dan damai serta jauh daripada kesibukan bandar. Rumah mereka sering dikunjungi oleh jiran yang datang membantu mana-mana yang diperlukan. Dengan cepat mereka telah dapat menyesuaikan diri dalam kehidupan baharu.

Bab 3 – Sekolah Baharu Kawan Baharu

Hartini telah ditempatkan di Tingkatan Tiga Teratai, Sekolah Menengah Kuala Batu. Guru kelas, Cikgu Malik telah memperkenalkan Hartini Ayu kepada semua murid di dalam kelas mereka. Suasana kelas itu tidak banyak berbeza dengan kelas di Kuala Lumpur. Ternyata murid di situ lebih tekun dan ikhlas. Sebanyak 25 orang murid dalam Tingkatan Tiga Teratai.

Dengan cepat, Hartini telah bergaul mesra dengan rakan baharu, seperti Ineng, Ambok, Satiah dan Sinda. Satiah ialah murid yang duduk di sebelahnya yang bersifat pemalu dan pendiam.

Pada suatu hari, Hartini bercadang supaya mereka belajar secara kumpulan untuk menghadapi peperiksaan PMR. Rakannya turut berminat terhadap teknik pembelajaran ini. Namun demikian Satiah enggan menyertai kegiatan pembelajaran secara kumpulan kerana bapanya tidak suka Satiah bergaul dengan pelajar lain selepas persekolahan malah akan memukulnya jika ada murid lain mencarinya di rumah. Hartini cuba memujuk Satiah supaya merayu bapanya tetapi Satiah diam sahaja.

Satiah sentiasa dipuji oleh cikgu kerana karangan Bahasa Malaysia sungguh bermutu. Persoalan Satiah sentiasa menghantui Hartini. Akhirnya dia meluahkan isi hatinya kepada mamanya, Sarah.

Bab 4.

Mama Hartini telah memberitahu perkara Satiah kepada papa Hartini (Hasrul). Papa memang mengenali bapa Satiah, iaitu Encik Morit yang merupakan orang kuat dalam persatuan petani kampung itu. Papa berjanji akan menasihati Encik Morit agar membenarkan Satiah mengikut kumpulan belajar Hartini. Hartini berasa gembira dan tidak sabar hendak memberitahun perkara ini kepada rakannya. Pada keesokan hari, Hartini mendapati bahawa Satiah tidak hadir ke sekolah kerana demam. Hartini bercadang supaya menziarahi Satiah yang demam, tetapi tidak ada murid hendak turut serta kerana takut dimarahi oleh bapa Satiah. Pada petang itu, papa memberitahu Hartini bahawa dia tidak sempat memberitahu hajatnya kerana Satiah demam dan Pak Morit hendak ke hutan untuk mencari ramuan ubat-ubatan. Hartini berasa bimbang akan penyakit Satiah kerana tidak mendapat perubatan moden.

Cikgu Malik bercadang supaya melantik Hartini sebagai ketua Kelab Komputer kerana ada orang menderma sebuah komputer ke sekolah. Hartini berasa bimbang kerana belum lagi menguasai penggunaan komputer.

Papa Hartini bercerita bahawa dua tahun yang lalu, anak perempuan sulung Pak Morit yang belajar di Tingkatan Lima di Jerantut telah bekerja di Kauntan setelah selesai menghadapi peperiksaan SPM. Anak perempuan itu kemudian didapati menghidapi AIDS dan menagih dadah lalu meninggal dunia selepas dua minggu dibawa pulang. Sejak itu Pak Morit tidak mahu anaknya bergaul dengan murid yang lain kerana tidak mahu mereka mengikut jejak langkah anak perempuan sulungnya. Setelah mengetahui peristiwa ini, papa Hartini cuba

memujuk Pak Morit supaya membenarkan Satiah belajar bersama dengan Hartini. Akhirnya Pak Morit bersetuju dan menyerahkan Satiah sebagai anak angkat keluarga mereka. Hartini berasa sangat gembira

Bab 5 - Ahli Baharu Keluarga Kami

Pak Morit, Mak Sukin dan dua orang adik telah menghantar Satiah ke rumah Hartini. Sejak itu, mereka menjadi teman belajar yang akrab. Mereka tinggal sebilik dan hidup bersama. Seisi keluarga Hartini sayang akan Satiah yang bersifat ringan tulang. Dia sering membantu mama Hartini untuk membuat kerja rumah tangga. Hubungan keluarga Pak Morit semakin rapat dengan keluarga Hasrul.

Hartini dan Satiah berdua berlumba-lumba dalam pelajaran. Namun Hartini tidak dapat menandingi Satiah dalam penulisan karangan. Setiap malam, Satiah akan menulis diariinya .

Dua minggu menjelang peperiksaan PMR, Satiah telah jatuh pengsan di rumah Hartini. Mereka cepat menghubungi Pak Morit dan Mak Sukin. Menurut Pak Morit, Satiah sudah lama menghidap penyakit ini. Papa Hartini memujuk Pak Morit supaya membenarkan Satiah mendapat rawatan di hospital. Akhirnya Pak Morit bersetuju. Papa segera menghantar Satiah ke hospital dengan keretanya bersama dengan Pak Morit.

Bab 6 - Senyuman Satiah Mulai Tawar

Setelah mendapat rawatan awal daripada hospital, Satiah dibawa pulang ke rumah Hartini. Pak Morit dan Mak Sukin turut bermalam di rumah Hartini pada malam itu. Pada pukul 3.00 pagi , Satiah terjaga dan Hartini telah membuat susu untuk Satiah. Keesokan hari, semua rakan dan cikgu Malik serta Cikgu Anis turut menziarahi Satiah di rumah Hartini. Papa dan mama Hartini sibuk melayani mereka. Papa turut berjanji kepada semua murid Tingkatan Tiga Teratai bahawa dia akan mengadakan kenduri jika mereka memperoleh keputusan yang cemerlang. Janji papa telah membakar semangat juang dalam kalangan murid itu.

Bab 7- Perpisahan Sementara

Mujurlah Satiah sempat menduduki peperiksaan PMR. Setelah selesai peperiksaan, papa dan Pak Morit telah membawa Satiah ke Hospital untuk rawatan lanjut. Doktor belum dapat mengesan penyakit Satiah. Sebaliknya Hartini akan mengikut neneknya pulang ke Johor. Dia akan menghabiskan cuti sekolah selama dua bulan di Pontian Johor untuk menemani neneknya yang kesunyian dan mengikut kursus komputer di sana. Hartini berasa sedih kerana terpisah dengan mama dan Satiah. Dia sentiasa bimbang akan penyakit Satiah. Nenek berjanji

bahawa kalau Hartini habis mengikuti kursus komputer, dia akan menghantar Hartini balik lebih awal.

Kemudian Hartini mendapati adik bongsu papa iaitu Mak Usu yang sebaya dengan Along tidak tinggal bersama dengan neneknya. Menurut nenek, Mak Usu Hartini terlibat dalam kegiatan gengsterime di sekolah dan penagihan dadah sehingga ditahan oleh polis. Oleh itu Pak Long Hartini telah membawanya ke Ipoh. Hartini berasa simpati terhadap Mak Usunya.

Ketika berdaftar di kelas komputer di pekan Pontian, nenak bertemu dengan rakannya Mak Leha. Mak Leha baru balik dari balai polis untuk mengikat jamin anak lelakinya yang ketiga kerana terlibat dalam penagihan dadah. Nenek bercadang kepada Mak Leha supaya menghantarnya ke Pusat Serenti. Hartini berasa simpati kepada nenak, Mak Leha dan Pak Morit kerana dihampakan oleh anak mereka yang sanggup menagih najis dadah

Bab 8 – Berita Yang membimbangkan

Setelah selesai ujian komputer, Hartini meminta kebenaran daripada neneknya dengan sopan agar dapat balik ke rumah lebih awal agar tidak menyinggung perasaan nenek. Nenek faham akan perasaan Hartini dan berjanji akan membawanya pulang dua hari kemudian.

Setelah dua hari kemudian, nenek telah membawa Hartini balik ke rumahnya. Hartini disambut oleh sekeluarga dengan mesranya, terutamanya mama yang sentiasa rindu akannya. Hartini mendapati bahawa bilik tidur bersih dan kemas. Sebenarnya, sehari sebelum itu Satiah telah datang dan mengemaskan biliknya. Hartini diberitahu oleh mama bahawa Satiah telah menghidapi barah paru-paru dan keadaannya semakin tenat. Lebih-lebih lagi Pak Morit tidak membenarkan papa membawa Satiah ke hospital. Menurut nya, penyakit Satiah melarat kerana melanggar pesan dukun dan Satiah sakit akibat terkena sampuk.

Hartini segera pergi ke rumah Satiah untuk menziarahinya. Satiah kelihatan lemah dan kehilangan keyakinan untuk terus hidup. Menurut Satiah, bapanya tidak mempercayai perubatan moden. Oleh itu dia redha menerima kenyataan tersebut. Selain menenangkan jiwa Satiah, Hartini turut meluahkan ketidakpuasan terhadap Pak Morit yang tidak menerima perubatan moden.

Bab 9 – Kerana Adat dan Pantang Larang

Mak Sukin berasa bimbang akan penyakit Satiah yang semakin teruk. Dia meminta bantuan daripada papa , Encik Hasrul kerana suaminya Pak Morit degil dan tidak mahu mendengar pandangan orang lain.

Keesokan hari, Hartini pergi melawat Satiah dengan membawa kuih kegemaran Satiah. Pak Morit berada di luar rumah. Rupanya tegas. Setelah melihat keadaan Satiah yang semakin lemah, Satiah memberanikan diri untuk merayu Pak Morit agar menghantar Satiah ke hospital untuk mendapat rawatan kerana tidak sanggup melihat Satiah menanggung penderitaan. Pak Morit memarahi Hartini dan mengatakan bahawa dia tidak mahu melanggar pantang larang nenek moyangnya dan adat. Walaupun Hartini menangis dan merayu Pak Morit, Pak Morit tetap dengan pendirian dan meninggalkan Hartini yang teresak-esak. Hati Hartini bagai dikecaikan oleh Pak Morit yang bersikap degil. Papa dan mama cuba menasihati Hartini ketika melihat Hartini dalam kesedihan.

Pada keesokan hari, Hartini melawat ke rumah Satiah lagi, tetapi Pak Morit dan Mak Sukin telah melawat Satiah berubat di Kampung Langsat.

Bab 10 – Keruhnya Air yang Tenang

Hubungan antara keluarga Satiah dan Keluarga Hartini semakin renggang dan tegang. Pak Morit sengaja mengelakkan diri daripada bertemu ketika mereka berkunjung ke rumah Satiah. Sehari sebelum pengumuman keputusan PMR, Ambok dan Sinda serta Hartini datang menziarahi Satiah. Satiah nampak sihat sedikit tetapi ada bintik-bintik merah pada seluruh badannya. Mereka asyik berbincang tentang keesokan hari tentang keputusan mereka..

Bab 11 – Berita Gembira Disambut Duka.

Setelah menerima keputusan PMR, Hartini telah memperoleh keputusan yang cemerlang, iaitu 7A 1B manakala murid yang mendapat keputusan yang terbaik ialah Satiah. Hartini turut memberitahu Cikgu Malik tentang penyakit Satiah. Cikgu Malik terkejut dan turut berasa kesal atas penyakit Satiah. Hanya lima orang pelajar yang memperoleh keputusan yang cemerlang di Tingkatan Tiga Teratai. Bagaimanapun keputusan mereka dianggap mencapai tahap yang cemerlang di pedalaman.

Hartini kemudian diberitahu oleh kawannya bahawa Pak Morit belum sempat mengambil keputusan Satiah telah tergesa-gesa pulang ke rumah. Hartini turut berasa cemas kerana ada sesuatu telah berlaku di rumah Satiah. Ketika berlari ke rumah Satiah, Mak Sukin kelihatan panik dan cemas. Dia telah memberitahu Hartini bahawa penyakit Satiah amat serius. Hartini turut meminta kawannya untuk memberitahukan perkara ini kepada papa dan mamanya. Ketika itu seorang dukun sedang membaca jampi dan menggunakan air yang dimasukkan daun dan bunga untuk menyapu badan Satiah. Dukun itu meminta Pak Morit menyapu badan Satiah dengan cara tersebut lalu meminta diri. Setengah jam kemudian,

darah tidak berhenti-henti keluar dari mulut Satiah. Pak Morit dan Mak Sukin kelihatan lemah dan putus asa. Papa segera meminta Pak Morit supaya dia menghantar Satiah ke hospital dengan segera.

Ketika itu, Hartini merayu Pak Morit supaya membiarkan papanya menghantar Satiah ke hospital dan dia sanggup dipukul atau dimarahi oleh PakMorit. Pak Morit terharu dan bersetuju dan menyerahkan Satiah kepada papa. Papa terus menghantar Satiah ke hospital dengan Pak Morit.

Bab 12 – Kuntum yang Hampir Layu

Setelah diselamatkan oleh doktor di wad kecemasan , Satiah telah dimasukkan di wad ICU. Selama beberapa hari Mak Sukin telah menjaga Satiah di hospital. Mama dan Hartini menziarahi Satiah di hospital. Mereka menasihati Mak Sukin supaya berehat di rumah dan mereka akan menjaga Satiah. Mak Sukin kelihatan lemah dan pucat akibat kurang tidur. Kemudian Satiah terjaga. Seorang doktor mengatakan bahawa keadaan Satiah semakin stabil tetapi perlu disuntik setiap hari dan mungkin terpaksa menjalani rawatan kemoterapi (rawatan khusus bagi pesakit barah). Menurt Mak Sukin, Pak Morit telah menyesal kerana membiarkan Satiah menderita lama. Satiah terlantar di hospital selama dua minggu.

Satiah berjaya diberi tawaran untuk belajar di sekolah berasrama, iaiut **Sekolah Menengah Tanjung Bestari** di Kuantan manakala Hartini ditawarkan ke **Sekolah Menengah Puncak Wawasan** di Raub. Hartini kecewa kerana tidak dapat belajar di sekolah yang sama dengan Satiah. Apabila masuk ke-20 hari di hospital, Hartini baru sempat memberitahukan semua berita gembira kepada Satiah. Walaupun doktor sudah menyatakan bahawa penyakit Satiah ada kemungkinan sembuh tetapi Satiah tetap tidak berkeyakinan terhadap penyakit dan ingin menghabiskan sisa nyawanya dengan keluarga.

Bab 13 – Demi cita-cita dan Harapan Keluarga

Kenduri Kesyukuran telah diadakan di rumah Hartini. Semua penduduk Kampung Kuala Batu, guru-guru Sekolah Menengah Kuala Batu dan semua rakan Hartini di Tingkatan Tiga telah menghadiri kenduri itu. Papa dan mama sibuk melayani tetamu. Pak Morit dan Mak Sukin turut gembira atas pencapaian Satiah yang cemerlang. Mama menjahit baju kurung yang sama untuk Hartini dan Satiah. Mereka berdua kelihatan seperti saudara kembar. Satiah kelihatan ceria.

Setelah itu, papa dan mama sibuk menyediakan barang-barang yang diperlukan kepada mereka berdua ke asrama. Pak Morit terasa terhutang budi dan menyerahkan dua ratus

ringgit kepada mama untuk membeli barang keperluan Satiah. Papa dan mama menolak duit itu n mengatakan bahawa mereka memang menganggap Satiah sebagai anak mereka.

Dua hari kemudian, papa dan mama serta Pak Morit dan Mak Sukin telah menghantar mereka berdua ke asrama. Hartini dan Satiah terpaksa berpisah dan berjanji akan berjumpa pada cuti sekolah nanti. Hartini berasa kekok ketika berkongsi bilik dengan rakan baharunya. Dia semakin rindu akan Satiah.

Bab 14 – Kesabaran juga ada Batasnya

Dalam tempoh tiga bulan di sekolah baru itu, Hartini telah menerima empat pucuk surat daripada Satiah. Dalam surat itu disertakan bunga cempaka yang kecil dan harum. Sebaliknya setiap hari Hartini akan menulis surat untuk Satiah. Nora, rakan sebilik turut berasa hairan tentang persahabatan Hartini dengan Satiah yang begitu rapat. Salah seorang rakan sebilik, Junainah pula menyindir Hartini bahawa tidak ada persahabatan yang ikhlas dalam dunia yang mengejar kebendaan. Hartini berasa benci akan Junainah yang sanggup menghina Satiah. Setelah itu, Junainah sengaja memasang radio dengan bunyi yang kuat sekali. Ketika bergaduh, Hartini kehilangan kesabaran dan menampar pipi Junainah. Keadaan di asrama menjadi heboh. Warden asrama, Puan Norjihan akan menyerahkan kes itu kepada pengetua esok. Hartini berasa sangat kecewa kerana bertindak terburu-buru sehingga melakukan kesilapan yang akan menghampakan keluarganya.

Keesokan hari, pengetua meminta penjelasan daripada mereka berempat di pejabatnya. Mujurlah Nora dan Najimi sanggup menjadi saksi bahawa sikap Junainah memang terlampau sehingga membangkit kemarahan Hartini untuk menamparnya. Pengetua tidak mengambil tindakan terhadap mereka tetapi meminta mereka bermaaf-maafan. Hartini segera meminta maaf kepada Junainah dengan ikhlas. Sebaliknya Junainah menyambut huluran tangan Hartini dengan terpaksa. Bagaimanapun, Hartini berasa lega hati kerana terlepas daripada kesilapan itu dan tidak akan mengulangi kesilapan tersebut lagi.

Bab 15 – Pecahnya Tembelang

Cuti sekolah semester pertama akan menjelang. Hartini mengemaskan barangan-barangnya di asrama kerana bersedia untuk pulang ke kampung dengan Satiah. Nora turut membantu Hartini mengemaskan almari dan buku-bukunya.

Hartini mendapati bahawa dia tidak menjumpai Junainah sehari dua itu. Nora menyatakan bahawa sejak peristiwa itu, Junainah sering berada di bilik sebelah dengan rakannya Salha. Ketika mereka menuju ke dewan makan malam itu, Junainah muncul di muka

pintu dengan mata yang kelihatan merah dan berambut kusut-masai. Dia terus terbaling di katil tanpa mempedulikan Hartini. Ketika mereka pulang ke bilik pada malam itu, Junainah tidak ada di bilik mereka lagi.

Pada keesokan harinya, ketika pembelajaran Fizik, Nona, Hartini dan Najimi telah dipanggil balik ke asrama segera atas perintah pengetua. Ketika sampai di luar bilik mereka, ternampak pengetua, Puan Norjihan, Encik Kancho Tamang (pengawal keselamatan sekolah) dan dua orang polis sedang berada di hadapan bilik mereka. Menurut pengetua, mereka menerima aduan bahawa mereka membawa barang larangan. Oleh itu pihak polis akan memeriksa bilik mereka. Setelah meneliti setiap benda di bilik mereka, Puan Norjihan mengangkat bungkusan kecil dari kotak kecil di dalam laci Hartini. Ternyata bungkusan kecil itu terdapat pil ecstasy. Hartini menafikan benda itu miliknya tetapi tidak dipercayai oleh mereka dan dia telah dibawa ke balai polis untuk siasatan lanjut. Hartini menangis dan merayu mereka bahawa dia tidak terlibat dalam kes itu. Hartini berasa sangat malu dan takut kerana akan bermalam di dalam lokap.

Keesokan hari, papa dan mama datang ke balai polis dengan wajah muram. Mama turut simpati dan menganggap bahawa Hartini memang tidak bersalah. Bagaimanapun papa berasa gelisah kerana jumlah dadah itu agak banyak. Setelah mendengar penjelasan daripada Hartini, papa turut mengesyaki Junainah yang terlibat dalam kes ini. Papa juga berpendapat bahawa terdapat kakitangan sekolah yang merupakan dalang dalam kes najis dadah ini. Papa menasihati Hartini supaya sabar dan dia akan mencari jalan untuk menyelesaikan masalah itu.

Selama 3 hari, Hartini meringkuk di dalam lokap. Hartini berasa sangat sedih kerana tidak dapat pulang ke kampung dan janji dengan Satiah untuk pulang ke kampung bersama-sama tidak dapat ditunaikan lagi. Tiba-tiba Hartini dipanggil keluar dari lokap. Ketika di ruang menunggu, Hartini disambut oleh mama, Pak Morit dan Mak Sukin. Lebih-lebih lagi, Satiah menegur dari belakang. Hartini segera memeluk Satiah sambil menangis. Satiah kelihatan ceria dan sihat dan menyatakan bahawa Hartini memang tidak bersalah dan akan balik ke kampung bersama dengan mereka. Pengetua datang ke depan Hartini dan meminta maaf kerana menyebabkan Hartini ditahan oleh polis. Hartini turut dibebaskan oleh polis kerana orang yang bersalah telah ditangkap oleh polis.

Dalam perjalanan pulang, papa memberitahu Hartini bahawa Junainah dan rakannya turut terlibat dalam penagihan dadah. Ketua sindiket itu ialah pengawal keselamatan sekolah, Encik Kancho. Rupa-rupanya Kancho telah menyuruh Junainah meletakkan bungkusan itu di dalam laci mejanya setelah mengetahui pengetua akan membawa polis untuk membuat serbu

ke sekolah. Ketika polis tiba, Encik Kancho sengaja membawa polis ke bilik mereka dan mendakwa bahawa Hartini kelihatan tidak bermaya dan selalu merokok di belakang asrama. Mereka menganiayai Hartini supaya bilik lain tidak akan diperiksa oleh polis.

Untuk menyasat perkara ini, papa telah meminta bantuan daripada pegawai polis Narkotik untuk memeriksa setiap bilik di asrama setelah disetujui oleh pengetua. Namun demikian, mereka tidak dapat mengesan sebarang bukti. Mujurnya mereka ternampak Encik Kancho keluar dari kawasan sekolah dengan membawa sebuah kotak yang dibungkus dengan rapi. Akhirnya pihak polis berjaya menahannya di sebuah restoran di Kuantan ketika hendak menyerahkan pil itu kepada pelanggannya. Ternyata papa telah beberapa hari tidak tidur dan mencari segala jalan untuk menyasat perkara sehingga Hartini dapat membersihkan namanya.

Bab 16. – Dia Pergi Juga

Sudah dua hari, Hartini tidur dengan sepuas-puasnya. Satiah mengajak Hartini bersama untuk pergi ke rumahnya. Hartini tetap ingin tidur pada pagi itu dan berjanji akan pergi ke rumah Satiah pada petang itu. Sebaliknya papa dan mama sedang sibuk untuk mengadakan kenduri kesyukuran kerana dia terlepas daripada semua malapetaka. Pak Morit dan Mak Sukin turut ada di situ. Pada pukul 4.30 petang, Hartini mendapati Satiah tidak ada di rumah mereka. Dia meminjam basikal Alongnya ke rumah Satiah. Setiba di rumah Satiah, Hartini menyangka Satiah sedang bersembunyi kerana tidak mengesan Satiah di biliknya. Adik Satiah turut mencari Satiah. Tiba-tiba Amat menjerit kerana Satiah jatuh pengsa di tepi perigi dan mengeluarkan darah yang banyak. Hartini meminta adik Satiah segera mencari papa dan mamanya ke mari.

Papa mengambil keputusan untuk menghantar Satiah ke hospital dan Pak Morit turut serta. Malam itu, papa membawa mereka bersama ke hospital kerana keadaan Satiah sudah tenat. Apabila tiba di hospital, Pak Morit mendapatkan mereka dengan tangisan kerana kata doktor, Satiah tidak ada harapan lagi. Mereka masuk satu per satu ke bilik ICU untuk membaca surah Yasin kepada Satiah. Hartini menggenggam tangan Satiah dengan erat sambil membaca al-Fatihah di telinganya kerana mahu Satiah meninggal dunia dengan aman dan tenteram. Beberapa ketika kemudian, doktor dan jururawat masuk dan mengesahkan Satiah sudah meninggal dunia. Ketika itu Hartini turut jatuh pengsan.

Setelah terjaga, Hartini berada di rumah sendiri. Ustaz Amin menasihati Hartini supaya menguatkan keimanannya. Pak Morit tidak membenarkan Satiah dikebumikan tanpa penglibatan Hartini yang jatuh pengsan. Pak Morit tidak mahu Hartini tidak sempat melihat muka Satiah yang terakhir. Hartini sempat menyaksikan semua urusan jenazah Satiah.

Bab 17- Tersingkap Misteri

Setelah seminggu Satiah meninggal dunia, Hartini belum bersedia untuk kembali ke asrama. Mama dan Mak Sukin selalu mendampingi untuk menghiburkan hatinya. Pada hari itu, papa dan mama telah pergi ke Kuantan dan telah membawa semua barang Satiah di asrama. Daripada barang Satiah, Hartini sempat membaca diari Satiah yang merupakan rahsianya. Satiah telah menggunakan bahasa yang indah untuk menceritakan persahabatan mereka berdua. Satiah telah menceritakan suka dua mereka. Ternyata, ketika di asrama, Satiah sentiasa menahan kesakitan yang semakin serius tetapi tidak pernah menangis. Bagaimanapun dia telah menangis ketika diberitahu bahawa Hartini difitnah sehingga dimasukkan lokap. Dia berasa cemas dan bimbang akan sahabat dan kakak angkatnya. Hartini terharu ketika membaca diari itu. Dalam diari itu, Satiah menyatakan bahawa dia sangat suka akan bunga cempaka yang wangi dan menyedari ajal yang semakin menghampirinya.

Setelah membaca diari Satiah, Hartini terharu dan menguatkan semangatnya untuk meneruskan perjuangan Satiah dan hendak menggantikan Satiah untuk memberikan kasih sayang kepada Pak Morit dan Mak Sukin kerana mereka tidak memiliki anak perempuan.

Bab 18 – Cempaka Putih Untukmu

Hartini bersiap untuk balik ke asrama. Pak Morit, Mak Sukin, mama dan papa akan ikut sama menghantarnya. Pak Morit menjinjit sebuah beg plastik yang penuh dengan buah rambut, duku dan langsung untuk kawan-kawan Hartini di asrama. Mak Sukin juga membawa anak pokok bunga cempaka atas permintaan Hartini. Mereka menyangka bahawa Hartini hendak menanam pokok bunga itu di asrama. Hartini meminta papa supaya singgah di kubur Satiah. Hartini meminta Pak Morit supaya menanam pokok bunga cempaka itu di pusara Satiah. Hartini menanam pokok bunga itu sebagai tanda kasih Hartini kepada Satiah. Pak Morit dan Mak Sukin tidak dapat menahan kesedihan dan teresak-esak. Akhirnya Hartini melambai dengan sayu dan mengucapkan selamat tinggal sahabatku.

Tamat.